

推擇宗正有清節妻段氏早逝不更娶卹庶兄俊菴遺孤
嫠甚至捐田贍宗學出粟千石賑郡饑萬曆間下諡褒之
歿賜祭葬

朱克倬棟長子博古善書有內行設義田以給貧宗其仲曰
克倬少慧力學善事父母兄弟五人同居不私一物父有
異母兄弟三人孤而寡力佐卹之其季曰克營繼父爲宗
正萬曆中捐米八百石救荒得旨嘉獎

朱允燧輔國中尉宗約倬子孝友雅飭以厚產讓弟賑粟
濟貧焚千金之券三十載中瘞貽至千餘具教子維翰入
庠宗室中在澤者多嚮學好義稱賢王孫云

朱廷塚字憲明奉國中尉隰川王裔明制願仕者以本階易
之遂膺貢知臨寶縣闖逆臨城多殺傷益衆攻圍城陷廷